



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Fasti Mariani Cum Divorvm Elogiis In Singvlos Anni Dies
Distribvtis**

**Brunner, Andreas
Pfeffer, Wilhelm**

Antverpiæ, 1637

S. Justina V. M. 13. Iulii.

urn:nbn:de:hbz:466:1-44055

S. JUSTINA V. M. 13.Iulii.

Gemina Dorotheæ JVSTINA est, consimili fœrè morte & prodigo à morte consimili illustris. Parentibus orba cùm esset, forma rot. hostes illi conciliavit, quot procos. At illa, ut cui in amorous solus JESVS erat, suam etiam Christianis Penelopen ostendit, & mortales procos facile cæteros elusit ; cum Fabiano Præside plusculum fuit luctandum. Devorandæ enim alapæ, ferenda verbera, & uberum carnificina. Atqui hæc inter supplicia talem JVSTINA vultum præ se ferebat, ut inter paradisi amœnitates, quas unas tunc loquebatur, obambulare sit visa. Et opportebat alteri Dorotheæ alterum etiam Theophilum esse. Zeno hic fuit è judicii subselliis primus. Is, cùm virgo ad supplicii locum ridens contenderet, rogavit fructus peregrinos sibi è Sponsi hortis transmitteret. Annuit capite truncanda JVSTINA. Mox latutus Zenonis pusio molliter pulsat, & donum à mortuâ virginè strophium missum exhibet. Tunc quoque risit, cùm strophium acciperet, qui horti munera sperabat. Sed nesciebat ille sub strophio fructus ceteræ. Hoc enim dum frontem ridens tergit, ecce omnem animo superstitionem abstergit, Christum & se Christianum tam diu clamat, dum lingua è faucibus exsecaretur. Caput demum pro Christo ponit, & quod alii tam grave putant, cælum ridendo meretur. Ex Ferrar.

Quousque hic erimus affixi ? adhæsimus terræ tanquam vermes ; in cæno volutamur : corpus de terrâ nobis Deus contulit, ut ipsum in cælum retrahamus ; non ut animam per ipsum ad terram detrahamus. S. Chrys. hom. 55. ad pop. Ant.